

& la géométrie à des conclusions qui dans plus d'un cas font de la plus rayonnante & de la plus salubre vérité! „ Est alius insignis fructus, quem ex disciplinâ physices ritè pertractatâ capere debemus, ut vires humanæ mentis, arctosque intellectûs nostri in mortali hoc statu limites indubitato perspiciamus, atque adeò sentiamus. Quo fit, ut facillimè sibi quisque persuadeat, in divinis rebus, quæ longè supra naturam sunt, plurima inesse, quæ non comprehendì a nobis in hac vitâ possunt, sed, affirmante divinâ auctoritate, lubentissimè accipi & pro veris haberi debent. Perspicuitatis quidem seu evidentiae mathematicæ sensum rerum mathematicarum periti habent; iidemque cum in cognoscendâ rerum creatarum naturâ versantur, quid & quatenus perspicuè cognosci possit, quid abditum sit, atque ab humanâ intelligentiâ remotum, persentiscunt. Res geometricæ, in quibus evidentia mathematica elucet maximè, simplicissimæ sunt, & triam duntaxat dimensionem menti exhibent, remotâ quâvis aliâ corporearum qualitatum ideâ. Quamdiù binas tantum ideas, id est, extensionem in longum & latum, sive figuras comparamus, satis perspicuus est eorum nexus & demonstrationum lux clara, in rectilineis saltem figuris; nam in curvilineis longior est demonstrandi, nexumque veritatum quoad singulos numeros uno velut intuitu mentis contuendi labor, & intensio difficilior. Si tres conjunguntur ideæ, in longum, latum & profundum, demonstra-